

頤道堂詩選

頤道堂詩選卷十

錢塘 陳文述 退庵

古今體詩

元日琴河道中回望虞山積雪有懷

西虞殘雪未全消，春入琴河第幾橋。  
水曲林巒雲疊疊，城陰樓閣路迢迢。  
玉臺花發思高會，瓊島寒輕夢早朝。  
元日懷人倍清暇，夕陽紅近碧天遙。

拈篆琴河觀覽風俗示都人士

常熟古名邑，洵美山水縣。  
尙湖波淪漣，虞山樹蔥蒨。  
禮讓沂仲雍，文學美言偃。  
學道託弦歌，多士盡英彥。  
水利本天成，不勞設隄堰。  
歲收畝一鍾，八口有餘羨。  
士女爭昌丰，閭

闊樂清宴如何逸則淫馴至習已慣不復辨名義但解乘  
利便膏腴聯阡陌利藪金張擅魚肉啖椎魯奴隸視農佃  
鄧析精竹刑筆舌幻雷電爪牙結胥徒鬼域通吏掾衣必  
襲輕紈食必羅珍膳雜座陳擣蒲郊遊集釵鈿轉漕關  
天庾大府急傳箭乃以詐力爭互用筆舌戰凡此人心弊  
實爲風教患其源始巨室挾貴肆凌慢其流中士習則倣  
尙浮誕昏昧徧耆老輕薄逮童卯禮意相束縛動輒播譏  
訕苟卿論三儒遂令士也賤可惜詩書澤致難齊緝變俗  
美昔所聞俗恭今所見嫉惡我本懷遇事較急卞化行臻  
俗美此心實未勸所願積習除不受餘風煽去蔓絕根株  
服藥務瞑眩事必先廉恥品亦取狂狷庶幾利義明政者

風俗善敬告二三子勿以規爲瑱

曼兒因公至吳門留余曼雲吟館度歲燒燈置酒譚  
讌永夕因成四律用去年韻

春雪留芳滅春陰黯碧紗懷中紅豆子屏上玉梅花樓閣  
中吳地池塘小謝家十年殘夢在萍聚又天涯

同作河塹客各爲瀛島遊紀障君薄宦淞滬我勾留紅燭  
尊前影青山海上秋何年共歸舫一醉爲消愁

陸氏東西屋花南更水南來朝春上九舊約月初三青海  
秋飛雁黃河夜渡驂懷歸復懷舊不厭夜分談

我又虞山去君仍袁浦行琴河波一曲畫舫月三更芳樹  
香浮水春山綠進城遲君同解纜珍重故人情

兄有來遊  
虞山之約

故人謂  
古雲

桂林畱守行

爲罷忠宣公作也公諱式耜字稼軒常熟人宏光  
中官廣西巡撫永明王立畱守桂林何騰蛟死代  
爲督師中涓柄政藩鎮離潰城破被執不屈死之  
墓在虞山拂水巖下招眞治左有祠

桂林畱守人中英早年建樹蜚英聲黨禍世誦范滂傳諫  
垣人賦中條行東林獄解歸田里憂患餘生差可喜荷鉏  
自種虞山田投竿日釣尙湖水乾坤龍戰空茫茫北都破  
後南都亡秣陵花月單騎出傳車夜走悲孱王諸王誰抱  
中興志魯王走死唐王繫一片蒼梧日暮雲猶是趙家乾

淨地失路王孫盡可哀  
嫡傳惟賸永明來  
諸臣倘有回天力  
靈武何妨更築臺  
君王轉徙封疆辱  
庸臣蜩沸忠臣哭  
覆轍何堪似昔時  
殘棋又覆偏安局  
澶淵未肯翠華臨  
帝子匆匆去桂林  
北宋威名倚宗澤  
南朝氣節重王琳  
重兵宿將空如掃  
殘疆誰爲君王保  
敵兵已入文昌門  
將軍又死王家堡  
辛勤百戰復梧州  
江漢朝宗水共流  
列鎮兵譁督師死  
何騰蛟死楚天雲黯不勝愁  
虎符龍節君恩厚  
從此專征付畱守  
力盡睢陽尙裏瘡  
權深輔國仍牽肘  
太息中涓左珥貂  
空勞七疏別鸞臬  
錦衣有獄賢良盡  
鐵券無靈將帥逃  
獸奔魚爛眞如此  
從此人心眞去矣  
獨將勁節重河山  
自分孤臣惟一死  
焦地李威威名世所無  
戚良勳胡

青苦口勸何如渡河竟有張司馬從此孤臣死不孤張同敵與

公同死其人如玉心如鐵三年誰掩喪宏碧浩氣吟追正氣

歌千秋死繼文山烈英風宰木墓門迴龍漢滄桑莫更哀

朱烏招魂歌楚些何年華表鶴歸來公死後有雙鶴飛翔會元坊上相傳是公

夫婦化鶴歸來夫人同在桂林先期病卒公族孫菊亭孝廉作鶴歸來院本

同梅史爽泉鐵珊素人湘芷集古雲玉連環室夜話

有懷都門舊遊並寄雲臺師

名場誰復問邱遲小別春明又幾時金爵觚稜通夢寐白  
狼槃木憶歌辭一麾江海吾先去三策天人世未知今日  
海虞山下見吳霜吹上鬢邊絲

客久歸難問故鄉琴河煙月夜蒼蒼圖書無恙仍東閣花

藥依然近北堂王謝故家原在洛鄒枚舊侶復遊梁種瓜  
祇合青門老莫倚弓刀說戰場

聞說名園事可嗟暮雲消息隔天涯金閨當日通侯第玉  
帳於今上將家鸚鵡樓臺春繫馬梧桐庭院晚啼鴉不堪  
重讀平泉記爲有當時手種花

雲繪園今歸木蘭都統某  
公高臺曲池盡爲駝坊馬

廢矣子舊有手  
種海棠一株

果然宦海有波瀾更憶瓊環感百端開寶文章新史館湖  
山劔佩舊軍壇草荒經舍才人散花落瀛舟舊夢殘依舊  
雙槐廳畔住翦燈重與說長安

雲臺師方奉  
勅勘定唐文

和作

查 揆

塵海流言已滿車中年萍合又天涯卻穿東郭先生履



重過南湖上將家陳蹟不堪風掃籜冶遊無奈霧看花  
得他恭敬臨邛令差喜文園酒可賒

舊家池館太平湖第一風流玉鹿盧宰相文章奇石記  
宣和鈐印上河圖公然移疾辭棲爵或有微詞託謠觚  
憶煞梨花閒院落月明嫌白雪嫌麈

就君重話習家池烏日山光映玉卮篋裏罪言如杜牧  
坐中兄事媿袁絲論才各有傳人想中酒渾疑下第時

輪與蕭梁仙井畔高文囀絕伏靈芝

雲伯將重鑄  
招真台記

開府當年節鉞東一時絲繆冠羣公東脩羊設千人食  
旌節花開四面紅宦海神仙原小劫酒場弟子有飄蓬  
淒迷剗子檜橋屋慙媿酬知到馬通

春夜限韻效孟東野

空庭靜積水月明花影浸春園盛桃李綠葉蓄嘉蔭中有  
惜花人擷芳滿衣衽惜花兼惜月衣薄春寒禁澹澹夜色  
閒沉香氣沁船任張融牽廡學梁鴻質結此翰墨緣佐  
以文字飲圭璋競雕刻組繡互織紉長歌甘澤謠各比扶  
風讖微聞鸞鳳嘯遶問豺虎譁陶潛醉欲眠孫綽流可枕  
農事憶東臯春林啼戴鷲

招真治古梅是崇禎三年所植

招真治中古梅樹相傳植自崇禎之三年莓苔已作前代  
色蚪枝尙臥當時煙空山二月開香雪我來蠟屐歎奇絕  
洞門疑有老鶴守遺事欲呼古猿說嗚呼思陵之際何荒

唐和羹朝局紛蝴蝶秋河七夕簪白奈春雨一樹悲紅棠  
此樹未經龍漢劫幾點冰花墮蛟脊回首春風二百年夜  
深猶照前朝月

小縐雲石

得拳石於吳趨坊市長五寸許爲穴大小十二名  
之曰小縐雲竝題古詩一首

昔賦縐雲詩未見縐雲石夢想託石友玲瓏倚空碧偶然  
得一拳仙骨透且瘦竹外微風來彷彿縐雲縐我愛查伊  
璜風塵識英雄香陣擁十些靜對青芙蓉我愛吳六奇報  
德心分明船趁泛瀛海此意珍瓊瑛我愛鈕玉樵雪遊吳  
觚記能將一片心寫出千金意我愛蔣青容紅牙譜新曲

一卷雪中人命酒挑燈讀雖無米顛癖曾具袍笏拜三峯  
出袖中一一發光怪頗同坡老嗜采石彈子窩九華與仇  
池一日三摩挲我思雲臺峯移置瀛舟側琅嬛隔暮雲落  
月思顏色我思彈雲石遠在瀨水陽故人昨致書殘墨苔  
花蒼虎賁似中郎呼飲亦可喜他年寶晉齋石交自隗始

虞山謁仲雍墓

繼有勾吳業殷遺此古賢心同至德讓品以逸民傳古墓  
投荒路空山采藥天千秋忠孝意梅里暮雲連

秦伯墓  
在梅里

言子故宅

孔壁金絲外東南此宅稱賢街曾遠訪

奉賢因子游  
所至得名

墨井

見初澄文學心原慕絃歌媿未能愛人吾隱願或許懸階

巫咸祠古銀杏歌

海竭已沒巫咸墳武騎又奪巫咸宅一樹陰森陰廢祠如  
對殷遺古顏色元氣鬱勃盤穹蒼一枝一榦皆棟梁茫茫  
殷土問誰植或者遠自中興商殷商遺事邈難指宋不足  
徵徵野史諒陰三年旅穀生殷憂七日祥桑死如君相業  
何必傳亦若此樹全其天伊尹日月說霖雨玉鉉黃耳知  
誰賢孫枝獨秀滃春碧領袖東南之古蹟同時老物知誰  
先華陰廟下商時柏

放雀詩用東坡岐亭詩韻

家大人中年以後卽不食特殺年來合家人爲放

生小會每會錢百有十以百錢買物以十錢犒放  
者子之以貲格之以誠所以杜校人之欺期放生  
之歸于實也余適與觀覽因作此詩

紫琅闕寶典金壺書墨汁萬物含生氣胎卵化燥溼川泳  
而雲飛鳶魚各自得末俗機心生束縛每太急羹臠盡敲  
鷄曾不異鵝鴨樊籠聚千羽加以疏布幕靜坐聞啁啾寸  
慈動保赤不惜青蚨青赦此白翎白彷彿樂翳薈快極輒  
岸幘免使湯火魂都向釜中泣放者六百餘一一數不缺  
放生願得生送爾如送客他日倘相報亦許銜環集

放生詩用前韻

吳門董君个亭憫牛之有功於農而老病者之不

得其死也集同志爲放牛之會得隙地於胥門口  
暉橋飼牛有芻宿牛有欄牧牛有人瘞牛有坎其  
所以重農功而培仁心者甚至家大人出貲佐之  
命爲作詩

牛耕始中古種米復釀汁食報曾幾何一束生芻溼不見  
太倉粟非此曷能得二月買黃犢事比水火急老病付湯  
鑊宰割等雞鴨豈知大典禮太牢用巾幘奈何縱口腹不  
畏官符赤董君性仁慈胸懷亦坦白聞善卽起行不暇裹  
冠幘技廢庖丁愁感極老農泣各勉慈悲願庶補造化缺  
春意霽桃林美德歎行客農重歲白豐飛鴻永安集

荀兒入家塾

春明歸後袁江去，辛苦年華記誕生。我念於菟還氣稚，人言雛鳳已聲清。愁癡不媿爲吾子，誦讀還應學汝兄。一晝開天天雨粟，此中且莫說功名。

二月初五日爲芹兒娶婦戲示內子

廿年荆布慰蹉跎，如此風華未可多。尙憶初婚惟待姆，居然新婦已爲婆。但看愛子心先喜，所幸雙親鬢未皤。攬鏡朱顏同一笑，團圓時節近中和。

再成一首示芹兒並示新婦汪端小韻

洞房新月照蛾眉，賀客爭催卻扇詩。應笑癡人有癡福，果然佳婦勝佳兒。崔盧門第吾猶媿，鮑謝才名我所知。博議尙成煩點筆，玉臺班管合相師。



春日過吾谷弔前尹子公墓

宗堯墓

鬱鬱松楸背薜蘿萬民畱葬此山阿似聞終賈年華盛定

有龔黃異政多河上祠堂猶肅穆

祠在城中  
琴河上

墓前碑石未

消磨

墓前勒萬民  
畱葬四大字

我來覽俗慙無補俎豆他年問若何

紅豆山莊紅豆樹歌

絳雲樓閣停雲暮秋墳鬼唱尙書慕自茆江上碎疆園春  
風猶賸前朝樹尙書華望豔神仙家傍琴河第七絃南部  
煙花詩卷重東林姓氏黨碑鐫晚思碧蠟辭丹闕別選林  
泉散巾髮幾番把酒祝東風一枝種出珠江月一度花開  
二十年蕊香幢結夜摩天胎仙閣上題詩處惆悵朱櫻寢  
廟筵夏五開花子秋九一粒金丹紅在手天家雨露萬年

枝玉盤擎出爲君壽更種河東柳一株美人小影字藤燕  
不勞幻術三升豆便抵新聲一斛珠鸞篋絕頂爭何急手  
弄燕支紅一捻得句應從葉上題編詩便號花間集豈知  
轉眼敗河橋花月傷心郭四朝不幸才人丁未造滄桑兩  
字最魂銷萬歲山前振鼙鼓紅棠夜冷鴻啼雨十三陵樹  
盡飛花冬青九廟悲無主伎師猶識沈東陽人說尙書壽  
太長大好池臺不歸去落紅拋盡舊山莊魏收佳傳從君  
始謝安空爲蒼生起白楊作柱掩星霜紅粉成灰葬羅綺  
拂水苔深沒斷碑春來猶發兩三枝六朝遺事南朝夢人  
說尙書初種時劫火焚餘名更重前身合是梁江總地下  
應憐宛轉條人間不斷相思種一事爲君喚奈何飄花零

葉付悲歌卞家琴裏人如玉辛苦龍沙送紫駝

舟夜月

水中月濼濼天上月盈盈月澹漸無影水明如有情好山  
春夢淺極浦夜雲輕孤坐萬緣寂微聞柔櫂聲

題王仲瞿鶴市招魂詩後

昭明閣近散花灘姊妹星宮跨采鸞蘭弟子歸春寂寞蓬  
夫人去月闌珊馬塍白樹和霜盡吳苑紅梅倚病看爲爾  
從頭書本事可憐金枕兩頭寒

玉鉤斜畔葬嬋娟一樣塵寰六六年龍女因緣天女相封  
姨公案佛姨禪瑤光人去花飛雪紅豆春殘夢化煙參過  
華嚴證三昧美人才子盡生天

吹斷松陵一夜簫龍華小劫髮雲消葬春自築梅花墓夢  
屨應尋柿葉橋腸斷蕭家女文選魂招楚些續離騷化人  
樓閣憑空現寫徧丹青寫白描

碧雞金馬舊參軍哭罷湘娥哭洛神團扇新祠明近水琵琶  
別館散如塵虎山環珮埋香地鶴市笙簫會葬人我爲  
女皇修國史瓊碑親寫大家甄

潛春蘿犀泉由維摩至拂水觀劒門奇石得古詩四

首

佳遊美夏首出郭三五里烏啼濃綠中人行空翠裏循澗  
溯桃源水花濺石齒微聞碎玉聲風斷響亦止夾岸山花  
馨墮紅紛澗底裊裊藤梢垂護護松濤起

雲外墮清鐘。山路入蒼翠。昔者維摩詰。於此有遺寺。逃禪  
客。畱象受戒樹。表異閣。道出樹杪登。覽興可寄花。時惜未  
來香。雪落松吹不見散。花人殘霞海天媚。

拂水有盛名。巖石慙幽步。煩渴漱新茗。佳蔭就深樹。遠碧  
澄湖光。漁艇閒可數。意外遇山僧。泊然若儒素。兔葵尚書  
園。燕麥佳人墓。閒話龍漢劫。青山夕陽暮。山風吹滅華。指  
我劔門路。

劔門實非門。仄徑下絕壁。絕壁何所有。懸厓盡奇石。石色  
淨疑洗。石骨削更瘠。雲浮勢欲奔。藤絡險可柅。時從巖下  
過。苔花拂冠幘。層層勢相壓。纍纍數誰積。畫本雲林師。詩  
情石田獲。一綫何年開。小作太華孽。題名何處佳。雲斂空

煙碧

海運二首送李陰園觀察轉運入都並寄雲臺師都

下

浮雲西北擁帆檣聞道前旌已渡黃  
當局有人咨海運  
臣原合重河防持籌應寄江淮使  
遺策誰尋洛口倉  
最是

連朝坐束閣圖經閒與話斜陽

連日與李緇子同議海運

遼海雲帆利轉輸百靈應爲護儲胥  
風濤欲避成山險飛

輓須籌石港車

時上海運三策擬海運至膠州陸運三百里以避成山之險

脛胸新圖

搜譜牒膠萊故道問河渠一編曾讀淮南議  
應訪琅嬛近

著書

海運之議雲臺師意與余同

雨後偕梅史犀泉同過破山寺

林塘過雨晚涼生  
來與諸君散髮行  
萬樹綠陰春水漲  
一峯青翠斷雲橫  
滿庭竹靜幽人影  
四面溪喧瀑布聲  
靈隱山門龍井墅  
坐牽鄉夢動歸情

藤蕪冢辭

藤蕪冢爲河東君作也墓在拂水巖下錢園之內  
卽耦耕堂故址孤冢荒沒華君竹樓爲余訪得乃  
葺而新之且樹碣焉旣爲文以紀之復爲此詩

藤蕪冢乃在尙湖之清虛山之麓一坏香草冷春山絕代  
佳人此埋玉春山埋玉今幾年昔人舊冢犁爲田冢中蕪  
蕪化爲土冢上藤蕪吹成煙藤蕪冢冢中曾葬藤蕪君君  
貌如花復如月君夢爲雨還爲雲藤蕪春始芳尙書夜閒

半野堂藤蕪秋不落詞人高會絳雲閣殘山賸水悲莫悲  
白髮紅顏樂復樂尙書自樂君自悲悲歌地老天荒時尙  
書晚向東山起嬋媛獨爲尙書死尙書埋骨知何處我來  
獨訪藤蕪墓棲鴉流水年復年墓後更得藤蕪泉墓後得泉甚甘  
余名之曰尙湖之渚虞山麓年年春雨藤蕪無綠

虞山田家

春風吹綠滿柴關水北花南屋數間占斷漁磯好煙景尙  
湖西去是虞山

明楊忠烈公祠

公名漣字文孺應山人官常熟知縣舉廉吏第一  
擢給事中與顧命與左光斗力主李選侍移宮案



疏劾魏忠賢二十四大罪卒爲忠賢所害

阜彙論常侍白簡劾昭儀力建移宮策忠應先帝知此邦  
曾守土遺愛有叢祠太息甘棠蔭虯龍起柏枝

梅史以詩假余畫舫泛月西湖竝酌河東君墓書此

奉答

婢非虹玉米家船尙可凌波一叩舷解語好攜劉碧玉吟  
詩休讓李青蓮湖山觴詠成高會花月滄桑感百年欲寄  
朝雲揮彩筆秋來也擬薦寒泉

原作

查揆

俊侶招攜狎白鷗琴河流水入簾篔橫波舊想三年笑  
河朔輸遲十日遊滄海桑田人事改曉風殘月暮門秋

湖來磊落難安著好借如虹萬斛舟

梅史以詩來謝因再答

十斛梨花貯兩頭知君安穩泛中流粉圍香陣詩仙夢月  
地花天畫舫秋未免閒情同白傅也思高會繼黃州人間  
最是秋宵好有約青山汗漫遊

原作

查 揆

街子何煩問少年樊川煙月柘枝頭更無耳語袁臨汝  
別有酣歌沈下賢大酒肥羊新保社楊枝駱馬舊因緣  
湖中歌吹君聞否輸與周攷獨放船

七月十五日邀同梅史爽泉小園鐵珊尙湖秋泛酌  
酒河東君墓下並訪藤蕪泉歸途雨後見月

晴湖不如遊雨湖雨湖不如遊月湖此間煙水頗相似秋  
陰漠漠生菰蘆烏目山高翠屏溼明鏡倒影蒼煙鋪一聲  
柔櫓入煙際雪片點點飛白鳧藤蘿冢上酌酒瓊藤蕪泉  
畔支茶瓠冢中埋香春影幻泉上落葉秋陰虛劔門奇石  
自今昔花園遺址曾有無夕陽澹紅秋水碧商聲蕭槭搖  
楸梧雨勢未成月未出暝色欲起西飛烏塔影挂漢堞綠  
嶺壓天黛色雲模糊山氣自青雲自碧雨聲何急星何疎  
東雲含雨西雲月玉輪未下雲中輿渺如玉女好顏色一  
重猶隔青紗幬安得長風卷浮翳廣寒放出金蟾蜍此湖  
此客今幾載雅遊欲問鬚翁蘇謂小梅君南歸鐵君北坐  
鏡雲海心躊躇梅史將旋海昌高三十五更愁絕預愁別

鐵珊將入都

梅君南歸鐵君北坐

後秋心孤

調爽泉

惜無雙鬢按玉筵爲我訴此心煩紆參差

深林出漁火勸君更盡雙玉壺雲開雨止月漸白拏音款  
乃遲歸途南屏鐘聲北山寺動我鄉思牽純鱸安得鵝溪  
三丈絹寫此賞雨泛月大好之長圖

方鐵珊入都賦此爲別竝寄都中諸故人

蒼蒼煙樹又春明澹月疎星送客行畫檻秋花含別意琴  
河流水帶離聲十年塵海懷人夢雙闕觚稜望遠情地是  
舊遊人舊雨話來都覺百愁生

相逢倘復問曹劉說我真戎浩蕩鷗海運萬言讎蠹簡魯  
人三月謫麝裘琴尊佇興蕪琛減恩怨驚心杜牧愁欲寄  
遠書還自媿豬肝未爲故人謀

題張寶厓畫幀並示浣筠

寶厓家京口畫筆絕似黃鶴山樵浣筠爲余乞得  
此幀並有詩云鴉棲古木濃于葉雁去遙天細若  
塵斜照不勝秋水闊柴門獨倚望歸人因作此詩

奉酬

瓜步江聲潤州郭天然圖畫王黃鶴張侯澹蕩天機清一  
幀煙雲爲我作隔江雲樹山蒼蒼山中知有好巖壑夕陽  
山外殘霞明照見蘆田煙漠漠暮江不動青連天東去寒  
潮海門落歸鴉點樹去雁遠此際懷人興堪託柴門倚杖  
者誰子獨倚江天望寥廓京峴故侯惠此幀頓使塵心慰  
寂寞我正懷人憶天末細雨簷花照孤酌鳳城明月龍堆

霜翦燭封題事猶昨讀君此幘倍根觸盡日焚香坐高閣  
西溪漁莊秋雪飛歸夢年年掃秋籜乞君爲寫第二圖萬  
梅花裏扁舟泊

于役婁東曉過雙鳳奉懷甘亭樊邨

疎疎殘雨垂垂露脈脈微波澹澹風秋在蟲聲鷓夢外涼  
生蘋葉柳絲中彭籤眷屬仙心渺蕭統文章選學工抗手  
欲招雙鳳下碧雲如海遠濛濛

中秋桂堂翫月寄曼生

一年月好是中秋但照清歡不照愁幾點疎星橫北戶一  
行新雁過南樓重簾有影畱香住萬瓦無聲潑水流風露  
滿天河漢直思君今夜在扁舟

秋夜聽錢塘李生鼓瑟

月明花靜夜有客鼓雲和彷彿煙江上微風澹素波暮雲生極浦秋樹動斜河曲罷橫金雁湘靈渺若何

八月十八吟樓招同家曼石湖翫月用尙湖秋泛詩

韻竝寄梅史爽泉

晴湖不如遊雨湖雨湖不如遊月湖石湖煙水乃更好秋意颯颯生寒蘆微波不生遠天碧風來忽覺羅紋鋪斷霞極浦下遠雁晴雪斷岸飛羣鳧楞伽山色連七子天平遠翠稜在觚倪黃畫本最清峭何年妙筆摹空虛西川節使范成大鑑湖一曲知有無白石清詞小紅唱如聽疎雨敲楸梧卽今遺事已陳蹟晚天拍拍飛羣鳥塔頂蒼茫玉輪

起未起尙覺煙模糊掃空浮翳見眞景下界秋色何蕭疎

碧雲未合美人至六萌已降花前興玉顏翠袖正幽絕書

仙合掌澄心懾

謂女郎影香

狂浮大白生氣出肯以索寞同曹

蜍我昨尙湖泛明月髯麗何減眉山蘇

梅史自號髯麗

雅遊未足

遽言別欲別未別神脚蹶伯勞飛遲燕飛疾寸心萬感孤

山孤前緣未竟後約渺艱難籌策空勞紆世間何物足留

滯不如盡此花前壺白帆葉葉出煙際風露河漢皆征途

江鄉大可稱宦隱投竿待釣松江鱸橫塘歸櫂弄明月何

人爲寫佳遊圖

秋夜橫塘泛月

一片橫塘月流光照畫樓微波桃葉渡墜露木蘭舟澹澹



浮金鏡娟娟憶玉鉤何人倚長遂風柳不勝秋

樂蓮裳天潢小裔墓碑書後

明崇禎間普寧令朱統鋤有善政其女死卽葬焉  
今普寧書院琢玉軒前有碑鐫天潢小裔四字蓋  
其窆也統鋤後死於山賊之亂臨川樂元淑謨墓  
碑余因書後

衰蘭泣露啼慘紅銀河歷歷開幽宮寶衣化盡鴛鏡出南  
朝碑雨生芙蓉嬌女埋玉父埋碧暮雨靈旗沉毅魄知是  
高皇幾世孫玉葉金枝照顏色君不見北都破後南都亡  
王孫燕啄悲天潢帝女花寒抱珠泣人間地下春茫茫墓  
前芳草春來綠墓中蘭麝人如玉不弔吳宮紫玉墳誰憐

蕭史青門曲

得蓉裳農部秦中書

萬里封題墨未殘故人蹤蹟古長安  
江南花月家山遠渭北關河客夢寒  
玉女蓮花新絳帳金臺落葉舊騷壇  
名場宦海都相似世事紛紛蜀道難

池上草堂二首同朱南臺萬浣筠家曼生作

草堂在郡署西園是韋白吟詩之地  
同人以清理積案集此辰入酉出間  
至宵分齋遠疎曠之致領略爲多詩  
以紀事並索同作

小園官閣外一角習家池落葉下秋  
徑微波生雨絲偶攀叢桂樹閒誦  
木蘭詩各有懷人意長吟寄所思

韋白吟詩處春山舊草堂風流思二老文藻重三唐庭草  
自秋色池花又晚涼閒來坐明月論古意蒼茫

素山就余詢海運書此示之

五雲天際是長安鸞筆頻年轉餉難未必太倉資粒粟須  
知經國在常官吳淞白指雲帆遠沽口青連碣石寒讀到  
少陵遼海句願從諸將其心肝

聞張船山侍御出守萊州奉寄並寄淵如觀察

峩嶠山月照蓬萊東酌扶桑酒一杯潮汐欲浮高閣去雲  
山如待謫仙來文章自昔多籌策經濟於今要逸才欲寄  
魚書譚海運孫登長嘯共登臺

題錢九英女士畫梅並贈刪司馬鐵崖

女士香樹宮傅女孫也宮傅太夫人南樓老人善畫曾達御覽故詩中及之

樊邨齋中一幅梅墨花暈紙浮蒼苔羅浮峯巔花首臺千枝萬枝霜中開初疑王元章又似楊補之百花頭上得春早乃是橋李女史之所爲冰雪爲姿鐵爲梗美人寫花如寫影玉堂晴雪滃繁香不羨空山一枝冷香車昔度庾嶺西郎君乘障官五谿孔雀啼香榕葉綠綠窗寫罷烏絲題此圖歸寫楓江上萬玉橫斜互相彷彿仙人萼綠華銖衣翠袖凌風颺純皇在御昇平初君家太傅恩禮殊節母丹青蓬皇覽玉殿染翰醮金壺六宮傳觀百寮羨片紙珍逾瑛璠與南樓翰墨世罕見善本往往歸石渠幾葉

女孫猶擅此淵源六法知非誣願君多寫還自惜錦暉閣  
以澄心暢他年宣索續寶笈佳話重記鴛鴦湖

拙政園詩

拙政園在齊婁二門之間初本元時大宏寺基明

嘉靖中御史王獻臣得之以營別墅文徵明爲圖

并作記其子以擣菹負矢之歸里中徐氏國初爲

鎮將所據已而海昌陳相國之遜得之吳梅邨祭

酒詠拙政園山茶卽此地也相國籍沒一爲駐防

將軍府再爲兵備道館又爲吳藩之壻王永寧所

居籍沒後爲蘇松常道新署後爲民居輾轉歸於

蔣氏謂之復園今歸於海昌查澹餘比部所得僅

三分之一水華林石猶可甲於吳郡暇日偶過因  
題四律

婁江門近水天寒間訪荒園感百端  
龍漢空王畱舊宅虎  
牙上將騰軍壇豪華過眼浮雲逝  
零落驚心夢雨殘  
畱與  
遊人話疇昔暮鴉啼過石闌干

盛衰容易付搏沙  
月榭風臺入斷霞  
長慶詞人空有集  
平泉宰相久無家人  
經遼海悲遷謫地  
歷滄桑感歲華  
一樹寶珠零落盡  
更無人問曼陀花

野史亭邊古老傳  
琅邪逸事過江年  
碧雞金馬妝樓記  
粉碓脂田鐵券鐫  
望遠女應憐楚楚  
如花人定識圓圓  
可憐反覆降王長  
堦水蒼涼也暮煙

南州詞客老馮唐，買得江南舊草堂。雙闕暮雲夢鴟鵂半，  
池春水話鴛鴦。賞花欲問張功甫，看竹來尋顧辟疆。聞道  
衡山圖畫在，何人重寫讀書林。  
比部舊家京師橫街近居鴛鴦湖上

重過琴河雨中感舊時古雲遷居吳門梅史爽泉鐵  
珊諸子盡風流雲散矣

海虞寒翠抱城迴，碧玉琴河驛路開。滿目湖山人盡去，  
片帆煙雨我重來。夢回鴻雁書千里，香酌藤蘿酒一杯。  
何處行蹤最相憶，西園零露舊蒼苔。

銅柱歌用韓昌黎石鼓歌韻贈鐵雲

鐵雲尊甫名翼官粵西永福令所治鎮南關爲安  
南國往來孔道故事安南貢使至令延之關外得

與其國之文人唱和鐵雲嘗從尊甫出關賦銅柱  
詩贈使者云日微煩郵吏雲臺失畫工關中遲鄧  
禹牀下拜梁松豈有三遺矢曾經一挂弓可憐銅  
馬式何處寫如龍突兀三千仞摩挲五百年將軍  
功略地丞相樹參天華表疑歸鶴貉溪感視鳶六  
州誰鑄錯只有謗書傳宋茗香贈詩所謂銅柱詩  
傳天外使是也

鐵雲曾作銅柱詩屬我更作銅柱歌蠻天萬里我未到欲  
賦銅柱愁奈何漢業中興五銖復雲臺諸將橫凋戈昆陽  
龍戰雷雨奮四十萬衆煙消磨五旆五樓旣底定西羌西  
域咸包羅南交舊在疆索外蒼梧山隔青嵯峩詩索豔妻



維將女豸牙宓厲山之阿朱鳶麓冷惑妖蟲鳴張不受漢  
法阿六十餘邑悉陷沒安邊無術鈐鞞譌璽書下逮白羊  
印篆法正繆別隸蝌劉隆段志左右輔鼓聲遠震驚潛鼉  
隨山刊道一千里斬伐有柄假斧柯樓船綠海至泊浪赤  
馬趨捷騰飛梭兩道竝進萬衆捷迅速豈敢誤委蛇金溪  
掃穴洛陽示劒花赤染雙姁城越律更正越疆定沃澤沛  
若江有沱穿渠治郭計永久鼈牛微外民咸和鑄銅爲柱  
定界域從此荒微遵條科豐隆鼓橐赤董躍約之六字詞  
無多誓曰銅柱折交阯滅功高衛霍絕大漠武剛祇解驅明駝歸來  
銅鼓鑄天馬丁帛骨相誰能過九九百年讖緯在銅柱銘金人義  
古鐵馬蹄堅子孫相連沈九百年見南唐書赤伏符命相切磋李唐馬總立二

柱自詡支派出伏波五代馬殷鎮南楚辰州一柱無徧嶺  
古森洞邊訪遺蹟建武遺事遑論他君昔從親宦嶺外衙  
齋覓句陋媿媿越裳使臣共賡和鎮南關下親摩挲弓衣  
織句互傳唱花鬢苗女同聲哦祇今金表奉屬國烽火久  
已銷鵝鶩露盤漢殿詎足例天樞唐闕理則那壯遊如此  
足自慰遭際何必悲坎軻我聞君言發奇想欲銘砥柱迴  
黃河不然寒門探北海盛年華髮空蹉跎

北海有堯  
時銅柱

三月十九日偕孫蔚堂沈春蘿高犀泉諸子遊支硎  
天平竝探寒山法螺諸勝以日暮未至靈巖而返  
憶丙寅暮春同雲臺師遊此卽境有懷得詩四首  
路入楓橋曲支公有舊山高風溯東晉遺集出人問養馬

愛神駿放鶴何蕭閒來訪舊題處石痕苔蘚斑

聽雪雷高閣寒山處士家行宮橫碧嶂輦路入桃花野客

譚奇石山僧望翠華還尋法螺磴松影夕陽斜

萬松飛翠雪一路入天平小坐白雲上靜聞流水聲琅嬛

有仙客於此動高情回首春明樹蒼然暮靄橫

雲臺師劇  
愛雲泉精

勝舍之

塔影浮天末吳王有故宮松聲琴響寂花影屢廊空後約

遲春燕前遊憶雪鴻來朝會重訪相約走青驄

擬重爲靈  
巖之遊

又題寒山別墅一絕

靈均爲子端容婦眷屬神仙見一斑我亦全家耽翰墨何

年偕隱住青山

燕舫畱春小集有作

長筵高會坐人圓  
珍重春光百五天  
梁苑文章賓客盛  
彭城風雨弟兄緣  
酒波盡舫消今夕  
花事琴河憶往年  
博得高堂開笑口  
兩孫扶杖立花前

梁燕重來識故人  
難逢清暇話殷勤  
天憐春色又三月  
花信江南已十分  
豔重祇疑長帶露  
香濃還恐夢爲雲  
多情誰似東陽沈  
辛苦調脂寫夕曛

謂春羅

勒宮保閱兵海上

春江花月靜無烽  
上相承恩出紫宮  
潞國威名新使節  
汾陽勳業舊元功  
營開細柳春煙碧  
弓挂扶桑旭日紅  
正是南州清宴日  
滄波無極水朝東

東南浩浩駭黃流，梗塞眞爲轉漕憂。久已治河無上策，可令經國廢前籌。膠萊故瀆成山遠，遼海雲帆碣石秋。辛苦

琅嬛三議在，五雲直北是。

皇州

時有旨試行海運，蓋琅嬛中丞始發此議，與

述見相合

當年三省擁旌旄，萬馬橫驅轉戰勞。終竟南征仗諸葛，久

看西蜀鎮韋臬。夔夔徒義勇，橫磨劔家世。精忠誓佩刀，史館

平戎方略在，陣雲長護舊金弢。

公曾任三省經略四川總督

吳淞江外水連天，籌海堂深憶昔年。充國屯田仍絕塞，臨

淮旗鼓又籌邊。洗兵已靖盧循島，犄角猶煩楊僕船。申畫

郊圻形勝在何勞，戍士臥秋煙。

歲戊辰鐵梅庵宮保闕兵吳淞述孺篆濟山曾主撤

吳淞戍兵之議以吳淞本有水師參將足資控禦而崇明要地駐守大員不宜遠離

落花坡弔花將軍和鐵雲

貴州提督花連布帥藤甲軍征青谿苗所向無敵  
既而孤騎深入陣亡於落花坡蓋地讖也舒鐵雲

集中有此作因爲和之

殘英滿地紅纈紛香氣上天凝赤雲落花坡前惜花落土  
人猶說花將軍萬馬橫驅戰百勝將軍舊是花驚定籜冠  
父老望旌旗花鬢兒女知名姓將軍昔自黔中來缺徒偃  
子聲如雷刀光耀日虹氣紫彷彿萬樹樽桑開將軍昨自  
青谿去遠向辰谿勒銅柱藤甲千羣夜破礪春旗不動花  
盈路豈知天意讖彭亡深入重圍夜裏瘡一柱西傾陣雲  
黑將星墮地天茫茫風雨深山沉毅魄齒髮何年歸馬革

萬點桃花戰血殷，藏來應化三年碧。偶讀軍中一首詩，分明親見落花時。人間埋骨知無地，天上招魂別有祠。戰場繡鏃耕春雨，橫草功名自千古。江南二月落花天，祇解琵琶怨兒女。昆明劫後更無灰，太息征苗上將才。嫫媿畫像麒麟閣，更有紅山貝子厓。福大將軍薨於貝子厓亦地識也

過花步劉氏寒碧莊訪王椒畦廣文兼贈主人蓉峯

觀察觀察時官粵西

卷幔臨寒碧，先生講席留。煙雲爲供養，壇坫自風流。讀畫

花間石，攤書竹外樓。從君摩峭壁，七十二峯秋。莊多奇石

記得琅嬛館，春宵剪燭紅。林巒董北苑，書畫米南宮。燕寢香塵散，瀛舟綠水空。十年重握手，舊夢憶匆匆。

朝水人何處平泉客未還  
遠衝梅嶺瘴飽看桂林山  
奇石畱殘墨幽花憶玉顏  
知非戀簪黻塵海事難閒

具區三萬頃林屋四千年  
縹緲蘭香宅煙波范蠡船  
主人真好客故里更如仙  
我欲歌招隱從君采白蓮

觀察家  
洞庭

登舟後連日阻風雜書

記取輕帆夜出關  
風風雨雨幾曾閒  
九龍山色渾如我  
墮入蒼茫雲霧間

灑打船頭雨打篷  
溼雲如磨壓虛空  
年來學得安心法  
枯坐篷窗待順風

僮僕天然卽至親  
憐他同是客中身  
凭闌莫怨孤舟冷  
更有迎風背緯人



欹枕蓬窗自在眠一樽相對更殘編  
棲遲風味平生慣宦海浮沉已六年

秋花紅近草堂深香氣蕭疎動桂林  
小雨愔愔風淅淅客懷都上老親心

鏡中華髮或蕭騷破浪乘風興尙豪  
太息一麾江海去只憑忠信涉波濤

明江陰典史閻忠烈公

應元

祠

嗚呼古來忠義各自爲勢不必論  
安與危城亦不論堅與靡何況官階之崇卑  
君不見閻公堅守苦戰時一城斗大敵所嗤  
全以忠義相激勸經年累歲麇王師王師當  
日正席捲名上宿將環軍麾十八萬人死  
城下猿鶴悽唳沙蟲

悲城破巷戰死不屈一城徇者無子遺我聞縣官已前走

公亦受代將言歸城中僅有新尉在潁川志節亦復奇

謂

公明選自知武略難獨任乞公併力身下之亦如睢陽本屬

許遠守舉巡自代無嫌疑至今保障說張許兩忠大節千

秋垂可惜史公守揚日邊防早撤人心離倘得公等作羽

翼天之所壞或可支 本朝褒忠有曠典禮臣議諡兼專

祠青門佳傳光國史試看蟲窟蟠穹碑

京口懷嚴麗生竝寄蓉裳古雲湘芷

與君相遇長安城我爲紫鳳君白鷹

都下品余二騷壇意人詩格如此

氣各凌厲搏風健翮思飛騰與君相別長安道長安落花

滿芳草從君先後出盧溝君去巴西我江表我來江表今

幾年秋風屢放臨江船南徐城郭好山水君家樓閣橫江  
煙人生過眼如飛電蜀棧迢迢隔鄉縣君歸京峴我未逢  
我去吳淞君不見建安文章曹子桓春風策馬仍長安黃  
金臺高上不得碎琴都市生悲歎君行復向錦城去我亦  
吳王宮畔住名場宦海兩茫茫隔斷長安萬重樹長安當  
日誰最親毘陵之楊錢塘孫楊子攜家返西神孫郎辭爵  
來吳門蓉館琴尊散如夢雲園花木摧爲薪君到長安倘  
相訪覩此能不生悲辛跳盪詞場名父子同時更有尙湖  
李潞河帆影早歸來虞山城郭琴河水我官江左長過從  
君去蜀道翻不逢人生離合豈有定浮雲浩蕩隨天風今  
番復向君家過極目懷君孤枕臥海門風雨上秋潮一曲

長吟若相和江流東下聲如雷此水亦自峩岷來君飲江  
源倘相憶一書寄我姑蘇臺

江上口號

帆卸江上舟葉落江頭樹秋風渡江來客子渡江去

泊北固山下

晚潮未起江無風澄波一碧涵秋空金焦兩點靚妝山明  
鏡不隔青芙蓉碧樹參差潤州郭北固山前一舟泊兩三  
白鷺破煙飛疑是青天秋雪落山自金陵來江從海門去  
青山有影江無聲夕陽一半明瓜步微茫樓閣橫秋雲兩  
槳過江衝白蘋絕好江南秋一幅丹青惜少李將軍

渡江

身世蒼茫寄一舟，偶然擊楫向中流。  
金焦雲樹三生石，鐵甕江山萬歲樓。  
雨過涼生瓜步曉，潮迴天遠海門秋。  
十年南北畱題處，半在揚州半潤州。

揚州夜泊聞鐘

銀漢迢迢碧落中，蓬窗漸覺露華濃。  
十經揚子橋邊路，初聽山光寺裏鐘。

仙女廟寄湘玉

碧雲如畫暮煙收，極目相思寄一舟。  
仙女歸時猶有廟，玉人妝罷定登樓。  
一鉤新月盈盈淺，兩槩微波澹澹秋。  
知爾江南望江北，遠天帆影不勝愁。

海陵道中懷朱野雲都下

海陵郭外晚啼鴉碧草茸茸被淺沙此地笑余頻作客故  
鄉憐爾本無家偶聽秋雨懷知已久別春明感夢華聞道  
鳳城栽萬柳莫教春盡又飛花

聞野雲修萬柳堂  
故址故戲及之

晚過雉皋舟次卽目用五平五仄體

遠鷺立古水涼蟬鳴高林暮色散水影波光環城陰雜樹  
岸曲曲疎花煙深深倚枕弄短笛秋懷誰知音

狼山

狼山本五峯列障隔江滸彷彿羅浮雲離合異風雨何年  
桑田變成此嗚人聚亦如鬱洲山平陸接海濱朶朶青芙  
蓉映帶互夾輔劔山峙其東銛鋒削巨黍秦皇昔東遊磨  
劔勒响嘯東南連軍山駐軍置積弩或是望仙時竝海屯

虎旅馬鞍峙其西岡巒接黃土隋帝昔征遼牧馬作懸圃  
馬蹟有遺廟雲旗渺何許五山雖平列一峯實爲主或云  
穴白狼竄伏類鼯鼠趙宋改紫琅龔黃有遺譜句章遠相  
對福山近可觀江海之咽喉東南此門戶其上支雲塔一  
握聳天柱其下白米莊沃壤異斤鹵其前海神祠禮幣重  
圭組其後飛來石磊落臥平楚高嶠森蓮花仙洞竄玉女  
寶陀指遺石香爐分別嶼寒玉亦有泉桃花亦有鳴名蹟  
與異聞颯縷不可數水師倚重鎮將軍此開府海雲擁旌  
旗江潮動鉦鼓戍壘列烽燧戈船振樓櫓一從孫盧縛軍  
書息飛羽惟見舶趨風雲帆達商賈戰士習水犀時平不  
忘武落日澹遙青長吟過秋浦

通州三烈女詩

香娘子姓王氏鹽販船養女也有殊色與母行不  
類適湯爲養媳居單店十載食貧無怨言夫出  
賈有惡少夜犯之大呼鄰嫗赴救乃免夫尋歸告  
之故卒自經死湯鬻香爲業人呼爲香娘子

母鬻鹽兒鬻香鬻鹽母不若鹽潔鬻香兒自比香烈僦居  
莫近沈香街尋香中夜狂且來旃檀郁烈甘一死路人猶  
說香娘子

夏烈婦如皋顧琢玉之筵室也顧病卒太婦欲逼  
嫁之飲瀆死

名分有尊卑名義無嫡庶如何良人殂而謂妾當去蒹葭



倚玉樹松柏施女蘿春謝桃李風秋落芙蓉波飲瀨艱飲  
冰肝腸寸寸裂珍重莫移根一樹瓊花雪

女史馮愛珠弔以詩云妾是瑤

花移不活莫教再辱雪兒身

彭娥南通州人夫貧甚謂彭鬻乳以活彭不從自  
經死

寒女難爲容貧婦難爲貞夫也太無賴鬻乳期得生生亦  
不可謀乳亦不可鬻鬻乳同鬻身身貧志不辱畢命朱絲  
繩女星照茅屋

野田

野田無定徑有徑卽村深殘雨低蘆岸炊煙出竹林花登  
休婦力稻熟逸農心余亦躬耕者還爲梁甫吟

馬鞍山之西有通濟牖元時漕運於此出海

頻聞轉漕阻黃流西北軍儲借箸籌三策虛承當局問百年誰解至尊憂膠萊故瀆前朝事遼海雲帆萬斛舟欲寄羽書譚海運摩挲殘碣過南州

劔山卽五狼之一傳是秦皇磨劔處

秦皇倚劔清六合華山爲鐔幽薊鏑何年磨劔海上山一片寒光射寥廓東巡當日何雄哉千乘萬騎竝海來劔光橫拂滄溟水海山四望青天開荆軻昔年西入秦圖中匕首徐夫人漏月琴聲裂單縠鹿盧三尺鶉膏新佩服將母卽放劔秋水匣中明鱣鱣魚龍偃伏蝸螻逃劔氣橫分劃天塹君不見干將莫邪分雌雄純鉤湛盧皆銛鋒豐城紫

氣燭牛斗雷雨會合延平龍聖人寶劍異于是仁義道德  
相磨礱指揮所定四海服不在腰下雙青虹秦皇之劍主  
斷割太阿終墮高斯凶萬世渺茫二世盡劫火已燼咸陽  
宮斯劍倘存亦殷鑒厲劍之石徒穹窿求仙不見蓬萊樹  
東巡會稽狹中度東南峭壁指軍山還有當時駐軍處軍  
或云秦皇駐軍處

駱賓王墓

乾元殿上明堂起太宗才人作天子金翅飛來食小龍一  
夜花殘河北李英公匡復抒孤忠駱丞才筆文中龍一篇  
檄草四海泣陳琳阮瑀難爲工玉鈐衛將庸才耳不取東  
都事如彼天意方令女主昌人心自爲唐家死才名四傑

原齊驅文筆肯讓王楊盧不置鸞臺與鶴監宰相之過空  
嗟吁複壁殘生悲避地廣陵埋骨何年事評詩史重帝京  
篇軼事人談靈隱寺龍漢蕭條感劫灰金輪光冷廢陵哀  
紫琅山下殘碑在猶是唐朝土一坏

海門秋夜

斗轉欲三更銀河海上橫微雲秋月色急雨夜潮聲酒醒  
人無寐燈殘夢不成陰蟲偏切切作意繞階鳴

海上對月懷湘姬二首

素月出雲間月華澹且閑新愁秋一夜遠夢海三山問渡  
亘銀浦舒光疑玉顏鏡中莫憔悴香霧斂雲鬟

月色涼如此金波碧瓦流陰蟲喧北砌新雁過南樓知爾

妝臺夜憐余海國秋大江煙水闊何處識歸舟

不寐

小院疎簾夢未成  
簾紋如水月華明  
羈人已足愁無寐  
徹夜陰蟲海上聲

秋曉

天影碧於洗露華涼欲流  
鴉啼江國曉人遠海門秋  
雲斂蜉蝣島涼生雁鷺洲  
平原得閒曠行役亦佳遊

合龍港是昔年渡海避風處

合龍港口水漫漫  
風颭秋藍被淺灘  
記取當年泊舟處  
暮潮無際海門寒

晚歸

海氣漸冥冥遙天暮靄橫林端新月上壚落晚煙生遠火  
參差影寒蛩斷續聲懷哉歌祀帖行役若爲情

海中望虞山

浮生蹤蹟眞無定印雪飛鴻天地間記向虞山望滄海又  
從滄海望虞山

秋樹離離隱彩雲維摩古寺靜無塵有人倚倚天風閣可  
識輕帆渡海人

秋夜琴河道中對月獨酌悠然有懷

把酒酌明月問月來幾時昨宵玩月滄海上今夕對月琴  
河擘琴河流水如玉琴蕩漾微作清商音一聲柔櫓戛秋  
雁水中月暈搖空林仰視圓靈仍碧落一片秋心入寥廓

我昔不飲今三蕉獨倚蓬窗恣清酌此時滿地秋蟲鳴千  
樹萬樹皆秋聲月中煙景若殘畫黛影一抹虞山橫一曲  
懷仙人不寐岸草叢叢露華碎月輪西轉酒瓶空獨酌悠  
然還獨醉

題孫古雲停雲館

余在京師寓古雲邸第兩人約言他日南歸聚首  
當各建一室顏以停雲爲翦燭話舊地今余改官  
江南古雲亦卜居吳下兩人所居相距三里許晨  
夕過從風絮雲萍可謂幸矣古雲先成此室因爲  
題之

閒階涼葉墮紛紛回首觚稜感雁羣當日長安同聽雨祗

今吳會又停雲應劉鄴下成高會韋杜城南憶舊聞君已  
安居我浮宦何年老屋話斜曛

哭荀兒七首

荀兒名學周又名官寧祖父母所字也又名小虎  
其母所字也余兩子皆生於寅故名以大虎小虎  
又以繡虎玉虎別之小虎玉虎也又字小英以余  
別字英白猶大虎從余字雲伯爲小雲也貌敦厚  
而性聰慧舉家喜之祖父母尤愛之篤余夫婦則  
性命以之一旦以暴病失調從懷抱中奪去傷悼  
之極不能成聲綜其瑣事拉雜成詩不知是淚是  
墨也小虎生於嘉慶丙寅十一月十五日戌刻卒



於辛未九月初三日寅刻詩作於十三日之夕蓋  
告逝已十又一日矣痛哉

一氣積太虛造化蘊常理往來悟消息哀樂感生死嗟我  
玉雪兒階庭燦蘭蕊醜面皎春霞翦瞳湛秋水嬉戲羣兒  
殊風格老成似寂令乃公歡愁令乃公喜駒齒甫六齡驥  
足欲千里豈料二豎虐一病遂不起鳳凰叫崑山良璧積  
中毀曇花謝晨風朝榮亦難恃靈心慧如此人壽促若彼  
清淚沾襟流悲來不可止鍾情在我輩愴懷從此始

兩子皆生寅大虎與小虎聰明兼福慧就中尤望汝憶昔  
得汝日東華謝塵土去去望皖江行行止袁浦捧檄事春  
鋪河干風雪苦汝母屆中年如日已蹉午久病資藥餌屏

軀怯寒暑郵程里千百鄉心日三五屈指及月辰心驚無  
處所握粟不敢卜懷憂動疑慮一旦家書達長風送鴻羽  
子季先誕雄吉夢徵梅嶼喜極老親書匝月兩孫舉置酒  
僮僕歡問訊友朋聚我也當此際眉色快飛舞

楊柳何翩翩淥水何迢迢改官來江南疏淪甄微勞三月  
辭清江南下乘輕舸四月至吳門紈扇春風驕五月迎春  
屬安穩浮蘭橈汝母奉祖慈容與隨逍遙汝叔及兩婦兄  
姊皆垂髫我始得見汝瑜珥懷中嬌眉目燦如畫知是瑛  
瓊瑤毛羽鳳皇麗黃白獅子超篝燈話深夜捧負馨蘭椒  
爲言初生時汝祖愁中宵祇今尙蓮幕何日歡春醪聞言  
三歎息漏緩城門譙兒女情拳拳離合心忉忉

一日復一日日月如飄煙一歲復一歲歲序如流泉漸離  
父母懷漸隨兄姊肩智慧日以長形神日以堅汝相頗敦  
厚面乃方如田汝庚亦吉祥五行皆周全汝饋更聰穎之  
無識琅嬛汝志尤不凡冠冕矜貂蟬高堂祖父母藉汝慰  
華顛汝母性命寄跬步形神連汝兄及汝姊手足相愛憐  
汝姨弟畜汝課書坐青氈一家數十人愛汝緣汝賢異曰  
大門閭余亦厚望焉

宦海起波瀾官場生荆棘公孫無故人敬容有殘客巍巍  
謝宣明黯黮作顏色水中蟹不容屋上烏空惜白璧點青  
蠅悲來亘胸臆失意賴汝娛拊汝兼日夕棗栗歡獮祭筆  
墨弄狼籍尤喜玩丹青度閣覓書冊過目帆了了一水復

一石付我待年長好者任兄擇推讓出至性聞之我心悅  
去年入家塾與兄共几席背誦書如流隔宵句能釋識字  
記偏傍學書問筆畫近復解奇偶十一與千百日落放學  
歸盤匱餽果核乞字呼小英以余字英白伏臘重家祭彬  
雅見風格豔豔鮮衣裳粲粲好冠幘揖拜從父兄端肅見  
賓客昌谷歌唐兒見者皆嘖嘖如此經歲年往事皆歷歷  
墮地季主卜云頗易長成豈知頻年來疾病相侵尋冬疹  
與夏痢煩密同天黥入秋久患瘍藥物傷其榮尙幸健飲  
食舖啜滋精英跳躍少艱難膚革猶充盈意亦藉此慰計  
日應安不偶然患喉痛疫氣感不輕汝父晝碌碌汝母宵  
營營心神忽顛倒一情消神明初服汝叔藥習見知其情

易醫語亦緩風熱之所繫豈料神氣促喘極嘶無聲兼之  
腹痛作手足相支撐自云恐伏暑鍼砭呼嚶嚶急進開利  
劑一勺辭瓢甕庭外斗氣白室中燈燄青夜風吹暗壁舉  
室悲蘭嬰漸漸氣不屬無術能延齡私計此藥盡或可冀  
回生心肝寸裂痛悔恨百念并忽復張目語索藥如索傷  
下喉嚨泪涓入耳聽怛怛藥盡氣亦絕悲哉吾寧馨

今歲衰宗衰長者喪其二中年憚哀樂期功屢揮涕寓居  
在吳門數年亦無異誰家起垣墉未坤方不利佛狸厄卯  
年雌甲與之類癡頑我如故災害及幼稚因憶前月杪我  
生日之次枯坐偶檢書囊囊履聲至自稱孝順兒入耳覺  
心悸三口避此變前知或有自爲親受災屯機緘當不昧

曰者言相符此理太深邃髮齡有至性長大應國器無福  
能留汝門戶將安寄舉家痛肝腸老親驚夢寐汝母臥牀  
褥枕席淚涕淚金銀探何年因緣曷相示

再生定有無誌之臨終言汝姊泣問汝何苦塵緣牽汝言  
客邀我攀桂登吳船他時定重來迴顧殊拳拳汝卒之次  
日夜色秋娟娟我友傅蠶室翦燭西齋眠見汝入齋中一  
掛形翩翩被服舊時衣手弄丹桂妍云欲春間去隨兄孝  
廉船遷延乃至今重來或有緣起視窗月白來去殊灑然  
因思平日語一一非偶然謫言對阿姊前世吾神仙金鎖  
思解脫怒訶泣母前繡襖冷金翠書卷畱丹鉛張媼亦夢  
汝白雞逐迴旋或者酉年來此意誰可傳我昨夢見汝汝

面嬌如蓮抱汝置懷中汝亦倚我肩生死半明昧親暱殊  
可憐問汝所歸處問汝重來年汝言聽未明但覺心纏綿  
醒來忽失汝淚下如流泉忘情媿太上悟寂參枯禪茫茫  
墮塵劫悠悠呼蒼天

秋夜對菊追悼亡兒

半榻重陰泥晚寒對花祇賸涕汎瀾燈前瘦影離離立簾  
外西風葉葉乾思子臺空秋夢短語兒亭遠月痕殘年年  
細雨重陽節記擁瑤環膝上看

劔石歌

劔石出蜀之劔州形又如劔故以劔石名之舊在  
虎邱後山與玉蘭同爲宋時花石綱之遺臥野田

畔劉蓉峯觀察移置寒碧莊之天香館中

是石非石石骨立是劍非劍劍氣逼移徙遠自劍州來棄  
置亦在劍池側劍池之側青豆房玉蘭一樹春雲香雲根  
蝕土土花綠同入趙家花石綱神霄九華夢如昨萬歲山  
高元氣鑿此花此石惜遺珠老向江南戀雲壑紅羊運厄  
銅駝悲岐陽十鼓氈車馳此花此石逃劫火林泉偃蹇今  
幾時七百年來事如電高臥春山人不見短簿祠前畫舫  
稀生公臺畔遊蹤倦霓旌南幸翠華來一樹東闌倚雪開  
院體丹青摹畫史侍臣詞賦和蓬萊石也沉埋同廢礮未  
向花前達皇覽古來萬物有興衰人生那免升沉感洞庭  
劉郎今米顛袍笏再拜梅花前寒碧莊中峯十二誰歎領



袖司雲煙金鵝花下一尊酒笑向空山招石友華陰赤土  
拭龍淵寶氣光芒燭東斗嗚呼靖康之際何荒唐宮車回  
首青衣涼瓊花仙島萬碧玉無非崑雲絳霄之琳琅此石  
當年倘入汴也同北狩黃塵黃不然遠過青石梁慶雲萬  
態先後來灤陽春風吳苑繁華窟招隱淮南對明月春謝  
離宮香雪吹夢回良岳浮雲沒君不見煙樹寂寞城西門  
至今人說朱家園花猶酣春石猶立花石之使今何存天  
外峩岷暮雲斂三尺芙蓉同激灑橫河橋畔玉玲瓏何年  
龍合延平劍

答張晴厓卽送之深陽並寄曼生

照人蓬鬢月初絃客裏同吟感舊篇銅柱瘴高雲似墨戟

門天遠夢如煙，慙因秋舫停雲。日恰憶春山話，兩年君向  
瀨陽城畔去，翦燈應與說瓊嬛。

除夕聽雨追悼亡兒

一年今夕盡憶汝，更徘徊聽到深宵。雨真成百念，灰翦燈  
消。獨坐滴淚入深杯，畢竟重來否，還須入夢來。

頤道堂詩選卷十